

## Saksprotokoll i fylkesutvalet - 23.06.2016

Sakene vart behandla i slik rekkjefølgje: PS 170-186/16.

Ass. dagleg leiar Frode G. Hestnes orienterte om Antidoping Norge.

Fylkesdirektør samferdsel Håkon Rasmussen orienterte om innfartsparkering.

### Signering av avtale

I samband med behandlinga av PS 170/16 «Lokal mobilisering mot doping - ny avtale med Antidoping Norge og prosjektplan 2016/18» signerte fylkesordførar Anne Gine Hestetun og ass. dagleg leiar Frode G. Hestnes i Antidoping Norge avtalen mellom Stiftelsen Antidoping Norge og Hordaland fylkeskommune i samband med gjennomføring av prosjektet «Lokal mobilisering mot doping» i Hordaland.

### OPEN TIME

**Roald Kvamme (A)** sette fram slikt oversendingsforslag til fylkesrådmannen:

«Fylkesutvalet vil be om at det vert tatt initiativ til eit samarbeid med NCE Maritim Clean Tech og eventuelle andre interessentar med den målsettinga at ein skal få realisert eit pilotprosjekt med ein batteridreven hurtigbåt som kan nyttast til sambandet Askøy-Bergen og eventuelle andre strekningar.

Det er utarbeidd ein prosjektrapport av NCE Maritime Clean Tech, «Mulighetsstudie for elektrisk drift av passasjerfartøy i Indre Oslofjord». Studien og forprosjektet syner at det er teknisk og operativt mulig å utvikla, designa, byggja og operera eit nullutslepp, batteridreven fartøy på passasjerruter i Indre Oslofjord. Studien tilrår å setja i gang ei pilotrute for på den måten demonstrera operasjon av eit nullutslepp hurtiggående fartøy.

Eit slikt pilotprosjekt vil skapa nye arbeidsplassar som resultat av forskning og spennande innovasjon i eit sterkt, lokalt forankra fagmiljø. Det vil også kunna medverka til store utsleppskutt og realisera vedtekne miljømålsettingar.»

### Røysting

Kvamme sitt forslag vart samrøystes vedteke oversendt på vegner av forslagsstillaren utan realitetsbehandling.

I samband med behandlinga av PS 178/16 «Søknad om løyve til 8 små vasskraftverk i Modalen kommune. Fråsegn» sette **Roald Kvamme (A)** på vegner av A, SV, Sp og KrF fram slikt oversendingsforslag til fylkesrådmannen:

1. «Fylkesutvalet ber om ei total oversikt over småkraftanlegg i Hordaland.
2. Fylkesutvalet ber om at rullering av småkraftplanen vert fremja snarast råd.»

### Røysting

Kvamme sitt forslag vart mot 2 røyster (Frp) vedteke oversendt på vegner av forslagsstillarane utan realitetsbehandling.

**Mona Røsvik Strømme (H)** stilte slikt spørsmål til fylkesrådmannen:

#### «Bybanen til Kokstad

Bybanen åpner til Birkelandskrysset 15.08.2016. Er det mulig at siste stoppet før Flesland kan bli Kokstadflaten?»

Fylkesrådmannen vil kome tilbake med skriftleg svar.

**Silje Hjemdal (Frp)** viste til at Bergen kommune er positiv til gondolbane i Bergen, og spurde om kommunen har teke kontakt med Hordaland fylkeskommune om moglegheitsstudie. Fylkesdirektør samferdsel har ikkje registrert slik kontakt.

**Silje Hjemdal (Frp)** stilte slikt spørsmål til fylkesordføraren:

**«Tidsdifferensierte bompenger i fellesferien**

Det er en kjent sak at det i fellesferien er betraktelig mindre trafikk og at det ikke er kødannelse morgen og ettermiddag.

Tidsdifferensierte bompenger ble innført mot Frp sine stemmer på bakgrunn av at man hadde til hensikt å få ned biltrafikken i de periodene på døgnet hvor det var fare for kødannelse.

Ettersom det i fellesferien er betraktelig mindre biler på veien, er det antageligvis ikke behov for å kreve inn tidsdifferensierte bompenger i dette tidsrommet.

Vil fylkesordføreren ta initiativ til å stoppe innkreving av tidsdifferensierte bompenger i fellesferien?»

Fylkesordføreren vil kome tilbake med skriftleg svar.

**Aud Karin Oen (SV)** stilte slikt spørsmål til fylkesordføraren:

**«Sykkel-VM**

SV reagerer på måten Sykkel-VM vert promotert på med omsyn til kjønn. Filmen dei syner rundt om i kommunane syner berre menn. Sykkel-VM er både for kvinner og menn!

Kan fylkesordføreren senda nokre signal til styret?»

Fylkesordføreren stadfesta at ho vil gjere dette ved eit passende høve.

**Tom Sverre Tomren (MDG)** sette på vegner av MDG fram slikt oversendingsforslag til fylkesrådmannen:

«Hordaland fylkeskommune signerer og gir sin tilslutning til charteret for likestilling mellom menn og kvinner i lokalt og regionalt samfunnsliv «Equality of women and men in local life» lansert av CEMR (Council of European Municipalities and Regions).

Selv om mye er skjedd i likestillingen mellom kjønnene i samfunnet er det fortsatt mye som gjenstår. Både i Norge, i Europa og i verden for øvrig er kvinner underrepresentert i mange sentrale beslutningsprosesser. I Europa sett under ett tjener kvinner i gjennomsnitt 16 % mindre enn menn.

For å fremme likestilling på det regionale og lokale nivået lanserte CEMR (Council of European Municipalities and Regions) charteret Likestilling mellom menn og kvinner i lokalt samfunnsliv (Equality of women and men in local life). Så langt har mer enn 1400 kommunestyre og fylkesting i hele Europa signert charteret.

I Norge har følgende kommuner og fylkeskommuner så langt signert:

Asker, Audnedal, Averøy, Bø i Vesterålen, Gran, Grue, Halså, Hjartdal, Hjelmeland, Inderøy, Kristiansand, Kristiansund, Kvinnherad, Lørenskog, Løten, Mandal, Marnardal, Masfjorden, Meland, Ørsta, Rælingen, Randaberg, Rauma, Salangen, Sandøy, Skjåk, Suldal, Valle, Vefsn, Verdal, Volda, Hedmark (fylkeskommune), Møre og Romsdal (fylkeskommune),

Østfold (fylkeskommune), Rogaland (fylkeskommune), Telemark (fylkeskommune), Troms (fylkeskommune).

Dere finner en beskrivelse av charteret her: <http://www.ccre.org/en/activites/view/11>  
Dokumentet finnes i sin helhet på norsk her: [http://www.ccre.org/docs/charte\\_egalite\\_no.pdf](http://www.ccre.org/docs/charte_egalite_no.pdf)»

Tom Sverre Tomren bad om at problemstillinga vert reist som sak til neste møte i fylkestinget.

### Røysting

Tomren sitt forslag vart samrøystes vedteke oversendt på vegner av forslagsstillaren utan realitetsbehandling.

**Tom Sverre Tomren (MDG)** hadde sendt inn slikt spørsmål:

«MDG har fått informasjon om at Rogfast/Hordfast vil kreve betydelige fylkeskommunale garantier. I denne forbindelse har vi følgende spørsmål til fylkesordføreren.

1. Stemmer det at realiseringen av Hordfast krever fylkeskommunale garantier- i så fall hvor mye?
2. Hvor mye har HFK gitt totalt av fylkeskommunale garantier.
3. I forbindelse med regionprosessen vil den nye regionen trolig få kumulert garantier fra to-tre fylker. Hvor mye fylkeskommunale garantier vil Rogfast/Hordfast innebære totalt sett for den nye regionen?
4. Har fylkeskommunale garantier vært drøftet og analysert i samtaler mellom de ulike fylkesordførerne eller i samtale mellom fylkesordføreren og departementet?»

Pål Kårbø (KrF) opplyste at svara på spørsmåla står i note 10 i fylkestingssak PS 31/16 «Årsrekneskapen for 2015 / Noter til årsrekneskapen». Saka vart behandla i fylkestinget 14. og 15. juni 2016. Fylkesrådmannen vil kome tilbake med skriftleg svar.

**Tom Sverre Tomren (MDG)** bad om at møta i fylkesutvalet vert «streama». Fylkesrådmannen vil i første omgang kome tilbake med informasjon om kostnader.

**Tom Sverre Tomren (MDG)** spurde om kor langt fylkesordføreren si sommarfullmaktfullmakt strekkjer seg. Fylkesrådmannen viste til delegasjonsreglementet for Hordaland fylkeskommune, Reglement for fylkesutvalet, punkt 4 Fullmakt for fylkesordføreren.